

- 1<sup>r</sup> Wer gůt hat / vnd ergetzt sich mit
- 2<sup>r</sup> Vnd nit dem armen do von gytt
- 3<sup>r</sup> Dem wirt verseit / so er ouch bitt



## Von vnnutzem richtum

- 1 Die grōsſt dorheyt jn aller welt
- 2 Jst / das man eret für wiſſheyt gelt /
- 3 Vnd zůcht har für eyn richen man
- 4 Der oren hat / vnd schellen dran

---

3<sup>r</sup> wirt *GW5046 GW5047* ] wurt *GW5041*

5 Der muß alleyn ouch jn den rat  
 6 Das er vil zů verlieren hat /  
 7 Eym yeden gloubt so vil die welt  
 8 Als er hat jnn synr tāschen gelt  
 9 Her pfenning der muß vornen dran  
 10 Wer noch jn leben Salomon  
 11 Man ließ jn / jnn den rat nit gon  
 12 Wann er eyn armer weber wer  
 13 Oder jm stünd syn seckel ler /  
 14 Die richen ladt man zů dem tisch  
 15 Vnd bringt jnn wiltpret / vōgel / visch /  
 16 Vnd dūt on end mit jnn hofiern  
 17 Die wile der arm stat vor der türen  
 18 Vnd schwitzet / das er möcht erfrieren /  
 19 Zům richen spricht man / essen herr /  
 20 O pfenning / man dūt dir die ere  
 21 Du schaffst / das vil dir günstig sint  
 22 Wer pfenning hat / der hat vil fründ  
 23 Den grůßt vnd schwagert yeder man /  
 24 Wolt eyner gern eyn ee frow han /  
 25 Die erst frag ist / was hat er doch /  
 26 Man fragt der *erberkeyt* / nym noch  
 27 Oder der wißheyt / ler / vernunfft  
 28 Man sůcht eyn vß der narren zunfft  
 29 Der jnn die milch zů brocken hab  
 30 Ob er joch sy eyn kōppels knab  
 31 All kunst / ere / wißheit / ist vmb sunst  
 32 Wo an dem pfenning ist gebrust  
 33 Wer syn or / von dem armen stopfft  
 34 Den hōrt got nit / so er ouch kloppfft

---

15 vōgel GW5046 GW5047 ] vogel GW5041 26 erberkeyt ] erberkeit GW5047 eberkeyt  
 GW5046 33 von GW5046 GW5047 ] vor GW5041